



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Sancti Victoris, & sanctæ Genovefæ & sancti Victoris Prioribus
Parisiensibus.

urn:nbn:de:hbz:466:1-20020

vit, captisque ferè quingentis tum civitatis tum castellis, quæ per possestos suos diabolus habitabat, spiritui paracito in repletis suis sanctum est ibi habitaculum reparatum. Cùm igitur terra ipsa taliter ab hærelica pravitate mundata dilecto filio nobili viro Simoni de Monteforti superno consilio sit commissa, & non solum ad eam in sancta religione servandam, verum etiam ad extirpandas reliquias hujus pestis, Christianæ fraternitatis ei necessarius sit succensus, parumque pro sis lolium de una parte messis avelli si radicaturum in alia transplantetur, imperiale magnificientiam rogamus attentius & monemus, in remissionem tibi peccaminum injungentes quatinus orthodoxæ fidei zelo succensus, per vires & viros imperij tui subditos necessarium opis & opum consilium & auxilium illuc pro tantæ opere pietatis promovendo transmittas, & si quos hæretorum exinde depulsi confugere contigerit in imperium, non solum recipi non permittas eosdem, verum etiam piissimam Augustorum in eos facias exerceri censuram; ut per hæc & alia bona quæ Dominus feceris inspirante augeat tibi Deus & gratiam in praesenti & gloriam in futuro. Datum ut in alia, anno duodecimo.

ILLVSTRI REGI
Aragonum.

*Epiſt. 125.
De eadem re.*

Licet ad promovendum quilibet opera pietatis prompta debeat regalis celstido consistere &c. ut in alia usque transplantetur, regalem magnificentiam &c. usque per vires & viros potentia tua subditos &c. ut in alia usque verum etiam piissimam sacra legis in eos facias exerceri censuram &c. ut in alia usque in futuro. Illud autem te ab hujusmodi non revocet pietate quod pro suspecto paganorum incursu ad exterminandum pestilentes jamdictos tibi sit opera minor danda; cum etsi reputandi utrius sint hostes, quanto ex his exonerare tibi curaveris unum latus, tanto aliud possis adversus aliorum machinamenta firmare; illo insuper ad tuam fortitudinem accedente, quod in loco viciorum hæretorum catholicos amodo vicinos habebis, & tales quorum obsequia domi militiæque gratiosiora tibi esse poterunt quam illorum. Datum ut supra.

In eundem modum scriptum est illustri Regi Castelle.



ABBATIBVS ET ALIIS
Ecclesiæ Prelatis in partibus Narbo-
nenſibus, Biterrenſibus, Tolosanis, &
Albiogenibus constitutis.

Optaveramus ut orthodoxæ fidei subversores, qui se in partibus vestrīa communione fidelium præciderunt, non solum ea quæ sua dicebant, hæreticam pravitatem imitando, non perderent, sed ad puritatem catholicam redeundo, nobiscum in caritate ac pace quæ nostra sunt etiam possiderent. Verum quia propter impenitentis cor eorum super iniquitates suas Dominus de celo prospexit, ad exterminationem suam rerumque publicationem suarum secundum constitutiones ci- viles & canonicas est processum; ut, quemadmodum scriptum est, impiorum spolia justi tollant, & divitias thesauros ipsorum. Licet igitur ea quæ apud vos quidam hæretici deposuisse dicuntur, sicut & aliae res eorum, pro confiscatis sint meritò computanda, quia tamen Christianæ religionis non est ex occasione legalum præceptorum obtenui cupiditatibus hoc fieri quod potius causa debet correctionis impleri, universitati vestræ per apostolica scripta præcipiendo mandamus quatenus ea quæ penes vos ab hæreticis sunt deposita, nisi forsan ad hoc præmoniti sine dilectione curaverint ad Ecclesiæ unitatem redire, ut sic de miserationib[us] Domini multitudine sit cum eis misericordia facienda, dilecto filio nobili viro Simoni de Monteforti, cui terra de hujusmodi pestilentium sorbis expiata noviter est commissa, cum consilio & mandato Legatorum nostrorum assignare & tradere procuretis, in pios usus pro publicis ejusdem terræ utilitatibus expendenda. Datum ut in alii.

ABBATI SANCTI VICTORIS,
& sanctæ Genoveſe & sancti Victoris
Prioribus Parisiensibus.

Attendentes devotionem dilecti filii nobilis viri Roberti Malivici, qui orthodoxæ fidei zelo succensus contra perfidientes hæreticos non solum laudabiliter jam pugnavit, verum etiam constanter dif- ponit amodo ad ipsorum exterminationem intendere, terram de qua per manum Domini sunt depulsi cum aliis catholicis habitando, dignum duximus eum pro ecclesiastica libertate pugnante Ecclesiæ patrocinio confore. Quocirca discretioni vestræ per apostolica scripta mandamus atque præcipimus quatenus si quis eum ac

socios suos in his quæ pacificè possidebant cùm iter arriperunt ad hujusmodi Dei servitium exequendum molestare præsumperit, aut ea quæ sibi tenentur reddere solvere recusarint, seu etiam unicam ejus filiam auferendo nobilem offenditer memoratum, vos eum ut ab eorum omnino vexatione defisstat, & de damnis ac injuriis irrogatis satisfaciat competenter, eisdem per censuram ecclesiasticam sublatu appellatiois obstaculo, sicut justum fuerit, compellere procuretis, matrem & sororem ejusdem nobilis viduas, quarum ipse fons quasi post Deum tutor & custos existit, in jure proprio defendantes, & quemlibet injustè molestantes eadē appellatiois remota distictione simili facientes ab earum indebita molestatione cessare. Quod si non omnes &c. duo vestrum &c. Datum Laterani II. Idus Novembri, pontificatus nostri anno duodecimo.

E I S D E M .

ATENDENTES devotionem dilecti filii nobilis viri Buchardi, qui orthodoxæ fidei &c. ut in alia usque recularint, seu etiam alias indebet nobilem offenditer memoratum &c. ut in alia usque procuretis, matrem ejusdem nobilis viduam, cuius ipse fons quasi &c. usque injustè molestantem eandem appellatiois remota distictione simili facientes ab ejus indebita molestatione cessare. Quod si non omnes &c. duo vestrum &c. Datum ut in alia.

N O B I L I B V S V I R I S B A R O N I B V S
& Militibus qui cum nobili viro Simone de Monteforti de signatorum exercitu remanserunt.

DECTIONEM vestram dignis in Domino laudibus commendamus quod orthodoxyæ fidei zelo succensi, contra nostra fidei subversores tam piè quam strenue certavistis, ac recepto mirabili de ipsorum confectione triumpho, terraque dudum à præambulis Antichristi possesta ad fidem Iesu Christi redacta, in defensionem ipsum cum dilecto filio nobili viro Simone de Monteforti, cuius est commissa regimini, remansistis, attendendo prudenter quod non minor est virtus quam querere partueri. Quia igitur finis non pugna coronat, nobilitatem vestram rogamus attentiū & monemus, in remissionem vobis peccatum injungentes quatenus laudabile propositum vestrum laudabiliori studente perseverantia coronare, ad protegendum

eandem terram præfato nobili viriliter assistatis, expensis contenti à proximo Pascha deinceps, donec novum auxilium, quod multipliciter procuramus vobis & ei, dante Domino transmittatur. Datum Laterani Idibus Novembri, pontificatus nostri anno duodecimo.

A B B A T I E T P R I O R I
sancti Victoris, & Priori sancte Genoveſe Parisenſis.

PRÆSENTIUM vobis auctoritate manda- Epif. 116.
mus quatinus eleemosynas pia locis à De elemosynis nobili viro Roberto Malovincino & matre sua provida pietate concessas faciatis à lo- Vide supra
cis ipfis auctoritate nostra quam justè tam pacificè possideri, contradictores per cen- Epif. 117. &
furam ecclesiasticam appellatiois postpo- infra Epif. 213.
sa compescendo. Quod si non omnes &c. duo vestrum &c. Datum Laterani IV. Idus Novemb. anno duodecimo.

A B B A T I C I S T E R C I E N S I
apostolicae sedis Legato.

PROFECTURUS ad habitandum dilectus filius nobilis vir Robertus Malufvici. De quodam terram ab hereticis nuper incolis ex- privilegio concessis locis vicino. Vide supra
piatam, nobis humiliter supplicavit ut ali- quem Clericum religiosum vel secularem epif. 117.
per tuam faceremus sibi sollicitudinem de- putari, cuius consilio, quandiu in terra ipsa morabitur, ad salutem animarum suarum in confessionibus & hujusmodi tam ipse quam ejus uxor utatur. Nos igitur annuentes hu- jusmodi proposito pietatis, discretioni tuae per apostolica scripta præcipiendo man- damus quatinus petitionem tuam in hoc, prout expedire cognoveris, cum consensu diocesani Episcopi auctoritate nostra non differas adimplere. Datum ut in alia.

A B B A T I D E V A L L I B V S
Cisterciensis ordinis.

CVM dilectus filius Abbas Cistercien- Epif. 112.
sis A. S. L. tibi dare providerit in Ut accedat ad Simonem de mandatis ut ad terram nuper ab heretica Monteforti,
pravitate mundatam accedas, dilecto filio Simoni de Monteforti, cuius est commissa regimini, & alii ibidem ad Dei servitium residentibus salutare confilium præbiturus, discretionem tuam monemus attentiū & hortamur, per apostolica tibi scripta man- dantes quatenus ad exequendum opus hu- jusmodi pietatis secundum Abbatis prædicti monitionem accedere non postponas. Datum Laterani V. Idus Novemb. anno duodecimo.